

慈惠小編
二



慈惠小編卷中

婦人難產急救門

孕婦胎上衝心急以水葡萄煎湯服之即下如無實將
根葉藤代之神驗方

孕婦胎漏下血用葱白一把濃煎汁飲之甚效上痛或

吳興

錢守和

吳煥

金萬全

費守美

同里

全叅訂



纂輯



南京中医药大学图书馆版

下血過甚手足厥冷欲死用生艾汁二盞牛皮膠白
蜜各二兩煎一盞半稍食服之無生艾時濃煎乾艾
亦可同上也

孕婦腰痛如折者紋銀一兩水三升煮二升服之
兒在腹中哭用多年空屋下鼠穴中土一塊令孕婦
之即住或用川黃連煎汁令母啜之

婦人難產川芎歸身各一兩龜板一枚髮灰三錢水煎
服如人行五里再一服生胎死胎俱下
婦人良方
一方參芪各一兩當歸五錢川芎二錢冬月加桂以

溫之最妙高鼓峰方

一方取哺坊中雞蛋壳數枚帶血痕者尤妙燒存性
每服二錢白滾湯下如胞衣不下及胎死腹中加鉄
華粉一小匙神效是方試驗頗多無不應手濟急良方

一方經日不生者雲母粉五錢溫酒調服入口即產
不順者即順萬不失一積德堂方

一方敗筆頭一枚燒灰生藕汁一盞調下立產若產
婦虛弱素有冷疾者溫汁服之聖勝方

催生神方桃仁一枚分開寫日月字合食之治卽下

一方芥菜子廿一粒順研好酒調溫服可免傷生黃

葵子七十粒炒研為末好酒送下甚效

神方經應

一方用蓮花瓣寫人字吞之或以本年歷日黃紙

面扯來不要人見用火燒化將紙灰調酒一杯與婦

人飲之即時產下

便易良方

催生厭勝法密書本州太守姓名于淨紙上燈下焚化

水中服之產

全上

催生歌一烏三巴七胡椒細研搗爛取成膏酒醋調和

臍上貼便令子母見分胞用烏梅巴豆

全上



一方用草薢子研敷產婦手足心產後速拭去或以
兩手各執一枚立下全上

一方難產催生白細碗研碎末一錢酒吞下立刻催
生名白硃砂全上

一方產婦難產日久氣力乏不能生煎惡露盡出乾
不能產者用赤小豆二升以水九升煮熟取汁入泡
過明阿膠一两全煎少時每一服五合未效再服不
過三四服即產此方用之極效驗或用好墨一寸磋
末水服立下全上

橫生逆產以手中指取釜下墨交畫兒足心即順方

一方用梁上塵酒服方寸匕或用兔絲子末車前子

末酒調下 便易良方

一方覓大母虱一枚摘破以血塗兒足心即順

祝田科

胎死不下鬼臼不拘多少黃色者去毛為細末不用篩

籬只撚之如粉為度每服一錢無灰酒一盞煎八分

魚口服立下如神名一字神散此方累效救人歲萬

數也 婦人良方

一万胎死腹中及胞衣不下刺羊血熱飲一小盞極

效又以新汲水濃磨金墨服之墨水裏兒出效又搗
蟹爪煎湯服立效或用鹿角三錢燒灰存性醋調服
即出又丹砂一两水煮研細酒服立下又或以其夫
尿二鐘煮沸飲之便易良方

一方黃葵花焙研末熟湯調服二錢無花用子半合
研末酒淘去滓用紅花酒下產室

一方蜈蚣一枚水煮灌下咽即出也延年方

驗胎死法胎死腹中產母舌必青黑為驗如面舌青
黑口中沫出子母皆死故面以候母舌以候子濟陰

千金神造湯治子死腹中并雙胎一死一生服之使死者出生者安用蟹爪一升甘草二尺東流水一斗以葦薪煮至升濾去滓入真阿膠三兩令烊頓服或分二服若人困不能服者灌入即活神驗方也用蟹爪以去其死胎阿膠以安其生胎甘草和藥性其理甚奧也

橫生逆產用蛇蛻炒焦為末向東服一刀圭即順

千金方

一方炒鹽少許點見足心即順

一法使老成穩婆以手徐推令上復以中指探見肩

弗使臍帶絆繫待兒身轉正頭對產門即順此緣產
母用力太過努力一迸致使兒身不正或先露手臂
或先露腎足頸項即令寬心仰卧輕送入弗令多
出蓋出少則易入未久則易入如出多而久則手足
青硬子必受傷難以扶入又切不可聽凶惡穩婆用
刀割斷若手足一斷則必擾亂腹中兩命俱傷矣大
生要旨

逆生須臾不救母子俱亡用蛇壳一條蟬壳十四個
頭髮一握竝燒為灰分為二服溫酒調半匙二服即

臥霎時或以小絹針于兒足心刺三七刺用鹽少許
擦刺處即時順生母子俱全

胞衣不下灶下土一寸醋調納臍中續服甘草湯三四
盞即下產室

一方令產婦啣自己髮尾於口中令歲嘔胞衣即下
又或用最初洗兒湯服之即下勿令產婦知方便易良方

一方取其夫之褲倒轉將褲腰向下褲腳向上束于
腹上其胞自下又用鐵秤錘燒紅泡酒吃即下名霍

霍酒全上

一方猪脂一两水一盞煎五七沸服之當下聖惠方
一方鹿角屑三分為末姜湯調下兼治胎死腹中產
乳方

盤腸產、時子腸先出產後不收者是也以生半夏末
頻嚙鼻中則上婦人良方

一方子腸不收者磨刀水少潤腸煎好磁石一杯溫
服即收上也扁鵲方

一方用葶藶子四十九粒研爛塗產母頭頂腸收上
即洗去大生要旨

一方大紙撚麻油潤之點燈吹熄以烟薰產婦鼻中

腸即上 全上

一法因產母平日氣虛及臨產時用力努掙周身氣血下注以致腸隨兒下一次如此二次路熟如此治法以潔淨不破損漆器盛之待兒胞衣俱下產母仰卧自己吸氣上升穩婆以香油塗手徐送入全上

產後腸出榜枝取皮焙乾一握水五升連根葱五莖漢椒一撮同煎至三升去滓傾盆內乘熱薰洗冷則再熱一服可作五次洗移睡少時忌鹽鮓醬動風發

物及用心勞力等事年深者亦治之婦人良方

一方老鴉蒜即飯頭草一把以水三碗煎一盃半去

滓薰洗患處或先以鹽湯洗淨五靈脂燒烟薰之即

上危氏得效方

一方用油五升煉熟盆盛令婦坐盆中飯久再研皂
角末少許吹入鼻中作嚏立上便易良方

子腸不收以好醋半盞新汲水七升嚥產婦面即上

一方枳壳煎湯浸之良久即入也袖珍方

一方金蝎炒研末噙水鼻中嚙之立效衛生寶鑑

產後餘血結塊俗名兕枕痛用陳年蟹壳燒灰酒誑下
便易良方

產後舌出用丹砂傳之暗擲盆盥作墮地聲驚之即自
収集簡方

產後發喘乃血入肺竅危急症也用人參三錢蘇木六
錢水二盞煎一盞調參末服神效 聖惠方

一方胡桃人參各一錢水一碗煎半碗服肘后方

產後閉塞大小便不通用桃花葵子滑石枳榔等分為
末每空心葱白湯服二錢即利 集效方

一方產後汗多大便閉難以用藥惟麻仁粥最穩不
惟產後可服凡老人諸虛風秘皆得力也用大麻子
仁末紫蘇子各二合洗淨研細再以水瀉去汁一盞
分二次煮粥啜之 本事方

一方尿閉不通者陳皮去白一两為末每空心溫酒
服二錢即通此張不愚方也 婦人良方

產後中風角弓反張口噤瘰癧或心眼倒築用荊芥穗
子微炒為末每服三錢豆淋汁酒調服或童便服之
口噤則挑齒灌之斷噤則灌入鼻中其效如神

名愈風散大抵產後太眩則汗出而腠理疎則易於中風也李時珍曰此方諸書盛稱其妙姚僧坦集效方以酒服名如聖散藥下可立待應效陳氏方名舉卿古拜散蕭存敬方用古老錢煎湯服名一捻金王貺指迷方加當歸等分水煎服許叔微本事方云此藥委有奇驗神聖之功一婦人產後睡久及醒則昏昏如醉不省人事醫用此藥及交加散云服後當睡必以左手搔頭用之果然皆殷產室方云此症多因怒氣傷肝或憂氣內鬱或坐草受風而成急宜服此

